



სსიპ საქართველოს ტექნიკური უნივერსიტეტის

აკადემიური საბჭო

დადგენილება № 01-05-04/92

ქ. თბილისი

20 ივლისი 2021

**„საქართველოს ტექნიკურ უნივერსიტეტში სტუდენტთა კონტინენტის ფორმირებისა და მოზილობის ინსტრუქციის“ ცვლილების შესახებ**

„უმაღლესი განათლების შესახებ“ საქართველოს კანონის მე-8 მუხლის, „უმაღლესი საგანმანათლებლო დაწესებულებიდან სხვა უმაღლეს საგანმანათლებლო დაწესებულებაში გადასვლის წესისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2010 წლის 4 თებერვლის №10/ნ ბრძანების, „საქართველოში გაცემული საგანმანათლებლო დოკუმენტების ნამდვილობის დადასტურებისა და უცხოეთში მიღებული განათლების აღიარების წესის დამტკიცების შესახებ“ საქართველოს განათლებისა და მეცნიერების მინისტრის 2010 წლის 1 ოქტომბრის №98/ნ ბრძანების, „ოკუპირებულ ტერიტორიებზე მიღებული უმაღლესი განათლების აღიარების წესის დამტკიცების შესახებ“ საქართველოს განათლებისა და მეცნიერების მინისტრის 2009 წლის 1 დეკემბრის №1067 ბრძანების, „უმაღლეს საგანმანათლებლო დაწესებულებაში ერთიანი ეროვნული გამოცდების/საერთო სამაგისტრო გამოცდების გავლის გარეშე სწავლის უფლების მქონე აბიტურიენტების/მაგისტრანტობის კანდიდატების/სტუდენტების მიერ დოკუმენტების წარდგენისა და განხილვის წესის დამტკიცების შესახებ“ საქართველოს განათლებისა და მეცნიერების მინისტრის 2011 წლის 29 დეკემბრის №224/ნ ბრძანების, საქართველოს განათლებისა და მეცნიერების მინისტრის 2013 წლის 9 სექტემბრის №133 ბრძანებით დამტკიცებული საჯარო სამართლის იურიდიული პირის – საქართველოს ტექნიკური უნივერსიტეტის წესდების 21-ე მუხლის და აკადემიური საბჭოს 2021 წლის 20 ივლისის №01-05-02/20 ოქმის საფუძველზე, საქართველოს ტექნიკური უნივერსიტეტის აკადემიურმა საბჭომ დაადგინა:

1. შეტანილ იქნეს ცვლილება „საქართველოს ტექნიკურ უნივერსიტეტში სტუდენტთა კონტინენტის ფორმირებისა და მოზილობის ინსტრუქციაში“ და ინსტრუქციის:

ა) პირველი მუხლის მე-3 და მე-4 პუნქტები ჩამოყალიბდეს შემდეგი რედაქციით:

„3. აზერბაიჯანულენოვანი, სომხურენოვანი, აფხაზურენოვანი და ოსურენოვანი აბიტურიენტების ჩარიცხვა, ავტორიზაციის შედეგად სტუ-სათვის დადგენილი სტუდენტების რაოდენობის ფარგლებში, ხორციელდება „უმაღლესი განათლების შესახებ“ საქართველოს კანონის საფუძველზე.“

„4. მაგისტრატურაში სწავლის უფლება აქვს არანაკლებ ბაკალავრის ან მასთან გათანაბრებული აკადემიური ხარისხის მქონე პირს. მაგისტრატურაში ჩარიცხვა ხორციელდება „საერთო სამაგისტრო გამოცდების ჩატარების დებულებისა და სახელმწიფო სასწავლო სამაგისტრო გრანტის განაწილების წესის დამტკიცების შესახებ“ საქართველოს განათლებისა და მეცნიერების მინისტრის 2009 წლის 22 აპრილის №227 ბრძანების და მაგისტრატურის შესახებ სტუ-ის აკადემიური საბჭოს 2020 წლის 14 აგვისტოს №01-05-04/133 დადგენილების შესაბამისად“.

ბ) პირველი მუხლის მე-10 პუნქტის შემდეგ დაემატოს შემდეგი შინაარსის 10<sup>1</sup> პუნქტი:

„10<sup>1</sup>. სტუ-ში სწავლა საერთო სამაგისტრო გამოცდის გავლის გარეშე დასაშვებია იმ პირისათვის, რომელმაც გადალახა შესაბამისი ზღვარი სამინისტროს მიერ დამტკიცებული საერთაშორისო გამოცდების ჩამონათვალით გათვალისწინებულ გამოცდაში.“

გ) მე-4 მუხლი ჩამოყალიბდეს პირველ დანართში წარმოდგენილი რედაქციით (იხ. დანართი 1);

დ) მე-5 მუხლი გაუქმდეს;

ე) მე-6 მუხლის მე-8 პუნქტი ჩამოყალიბდეს შემდეგი რედაქციით:

„8. გაცვლითი პროგრამის ფარგლებში უცხოეთში სწავლის პერიოდში მიღებული განათლების აღიარების მიზნებისათვის, დაინტერესებული პირის მომართვის საფუძველზე, სტუ ადგენს მის საგანმანათლებლო პროგრამებთან პირის მიერ უცხოეთში სწავლის პერიოდში მიღწეული სწავლის შედეგების თავსებადობას და შეიმუშავებს დასკვნას შესაბამისი კრედიტების აღიარების შესახებ.“

ვ) მე-6 მუხლის მე-8 პუნქტის შემდეგ დაემატოს შემდეგი შინაარსის მე-9 – მე-13 პუნქტები:

„9. აღიარებას ექვემდებარება მიმღები დაწესებულების იმ პროგრამის ფარგლებში მიღებული კრედიტები, რომელზე ჩარიცხვა და სწავლება განხორციელდა კანონმდებლობით დადგენილი წესით.“

10. შინაარსობრივი შესწავლის შედეგად, შესაძლებელია დადგინდეს პირის მიერ უცხოეთში სწავლის პერიოდში გავლილი და სტუ-ის საგანმანათლებლო პროგრამით გათვალისწინებული სასწავლო კურსების შესაბამისობა, მათ სახელწოდებებში არსებული სხვაობის მიუხედავად.

11. დასაშვებია იმ სასწავლო კურსის აღიარება, რომელიც არ არის გათვალისწინებული სტუ-ის საგანმანათლებლო პროგრამით.

12. სტუ უფლებამოსილია, კანონმდებლობით დადგენილი წესით გაიანგარიშოს სტუდენტის დატვირთვა კრედიტებით იმ საგანმანათლებლო პროგრამის შემთხვევაში, რომელიც არ არის შესრულებული ევროპული კრედიტების ტრანსფერის სისტემის შესაბამისად.

13. დასკვნა ფორმდება სტუ-ის მიმღებ ფაკულტეტზე შექმნილი კომისიის გადაწყვეტილების საფუძველზე. კომისია იქმნება ფაკულტეტის დეკანის, ხარისხის უზრუნველყოფის სამსახურის

უფროსის, შესაბამისი აკადემიური დეპარტამენტის უფროსის და საგანმანათლებლო პროგრამის ხელმძღვანელის შემადგენლობით; კომისიის გადაწყვეტილებას ამოწმებს სწავლების დეპარტამენტის უფროსი და ამტკიცებს სტუ-ის ვიცე-რექტორი. დასკვნაში მიეთითება სტუდენტის მიერ გავლილი საგანმანათლებლო პროგრამის შესაბამისობა სტუ-ის პროგრამასთან, ასევე, აღიარებული კრედიტების რაოდენობა. დასკვნაში მიეთითება სტუდენტის მიერ გავლილი საგანმანათლებლო პროგრამის შესაბამისობა სტუ-ის პროგრამასთან, აღიარებული კრედიტების რაოდენობა. სტუდენტი უფლებამოსილია გაეცნოს დასკვნის პროექტს და მონაწილეობა მიიღოს მის კორექტირებაში.“

ზ) მე-8 მუხლი ჩამოყალიბდეს დანართში წარმოდგენილი რედაქციით (იხ. დანართი 2);

თ) მე-9 მუხლი ჩამოყალიბდეს დანართში წარმოდგენილი რედაქციით (იხ. დანართი 3);

ი) მე-10 მუხლის პირველი და მე-2 პუნქტები გაუქმდეს;

კ) მე-2 დანართი ჩამოყალიბდეს წარმოდგენილი სახით (იხ. დანართი 4);

2. დადგენილება შეიძლება გასაჩივრდეს გამოქვეყნებიდან 1 თვის ვადაში, თბილისის საქალაქო სასამართლოში (მდებარე: ქ. თბილისი, დავით აღმაშენებლის ხეივანი, მე-12 კმ, №64).

აკადემიური საბჭოს თავმჯდომარე

აკადემიური საბჭოს მდივანი

დ. გურგენიძე

ი. კუტუბიძე